

辨僞錄卷第五

徵五

元道者山雲峯禪寺沙門祥邁奉勅實錄撰

聖旨焚毀諸路僞道藏經之碑

翰林院臣唐方楊文郁王構李謙間復李濤

王磐等奉勅撰

至元二十一年三月日詔遣資德大夫總制  
院使兼領都功德使司事相哥諭翰林院戊  
午年僧道持論及至元十八年十月二十日  
焚毀道藏僞經始末可書其事于后臣磐等  
謹按釋教總統令台薩哩所錄事跡昔在憲

宗皇帝朝道家者流出一書曰老君化胡成  
佛經及八十一化圖鏤板本傳四方其言淺  
陋誕妄意在輕蔑釋教而自重其教罽賓大  
師蘭麻總統少林福裕以其事奏聞時上居  
潛邸憲宗有旨令僧道二家詣上所辨析二

家自約道勝則僧冠首而爲道僧勝則道削  
髮而爲僧僧問道曰汝書謂化胡成佛經且  
佛是何義道對曰佛者覺也覺天覺地覺陰  
覺陽覺仁覺義之謂也僧曰是殆不然所謂  
覺者自覺覺他覺行圓滿三覺圓明故號佛

陀豈特覺天地陰陽仁義而已哉上謂侍臣曰吾亦心知仁義乃孔子之語謂佛覺仁覺義其說非也道者又持史記諸書以進欲以多說僥倖取勝帝師辯的達拔合思八曰此謂何書曰前代帝王之書上曰今持論教法何用攀援前代帝王帝師曰我天竺亦有史記汝聞之乎對曰未也帝師曰我爲汝說天竺頻婆娑羅王讚佛功德有曰天上天下無如佛十方世界亦無比世間所有我盡見一切無有如佛者當其說是語時老子安在道

不能對帝師又問汝史記有化胡之說否曰無然則老子所傳何經曰道德經此外更有何經曰無帝師曰道德經中有化胡事否曰無帝師曰史記中既無道德經中又不載其爲僞妄明矣道者辭屈尚書姚樞曰道者負根五矣上命如約行罰遣使臣脫懼將者樊志應等十有七人詣龍光寺削髮爲僧焚僞經四十五部天下佛寺爲道流所據者二百三十七區至是悉命歸之道教提點甘志泉所居吉祥院其一也據而不與至元十七年夏四

月僧人復爲微理長春道流謀害僧錄廣淵  
聚徒持捉毆擊僧衆自焚廩舍誣廣淵遣僧  
人縱火且聲言焚米三十九百餘石他物稱  
是事達中書省辯其誣甘志泉王志真欵伏  
詔遣樞密副使李羅及諸大臣覆按無異辭  
志泉志真就誅劓刑流竄者凡十人仍徵所  
聲言米物如其數歸之僧衆會有道家僞經  
尚存爲言者聞諸皇太子十八年九月都功  
德司脫因小演赤奏言往所焚道家僞經  
板本化圖多隱匿未毀其道藏諸書類皆詆

毀釋教剽竊佛語宜加甄別於是命樞密副  
使與前中書省左丞文謙祕書監友直釋教  
總統合台薩哩太常卿忽都于思中書省客  
省使都魯在京僧錄司教禪諸僧及臣等詣  
長春宮無極殿卷三塔正一天師張宗演全真掌  
教祁志誠大道掌教李德和杜福春暨諸道  
流考證真僞翻閱兼旬雖卷帙數千究其本  
未惟道德二篇爲老子所著餘悉漢張道陵  
後魏寇謙之唐吳筠杜光庭宋王欽若輩撰  
造演說鑒空架虛罔有根據詆毀釋教以妄

自尊崇復愛慕其言而竊爲已有假陰陽術數以示其與良諸子醫藥以誇其博往往改易名號傳註訛舛失其本真又所載符呪妄謂佩之令人商賈倍利子嗣蕃息伉儷和如鴛鴦之有偶將以媒淫辭而規財賄至有教

人非妾佩符在臂則男爲君相女爲后妃入水不溺入火不焚刀劍不能傷害之語其僞妄駁雜如此留之徒以誑惑愚俗自道德經外宜悉焚去臣等同辭以聞上曰道家經文傳訛謬非一日矣若遽焚之其徒未必心

服彼言水火不能焚溺可始以是端試之俟其不驗焚之未晚也遂命樞密副使李羅守司徒和禮霍孫等諭張宗演祁志誠李德和杜福春等俾各推擇一人佩符入火自試其術四人者奏言此皆誕妄之說臣等入火必爲灰燼實不敢試但乞焚去道藏庶幾潔雪臣等上可其奏遂詔諭天下道家諸經可留道德二篇其餘文字及板本化圖一切焚毀隱匿者罪之民間刊布諸子醫藥等書不在禁限今後道家者流其一遵老子之法如嗜

佛者削髮爲僧不願爲僧道者聽其爲民乃  
以十月壬子集百官于憫忠寺盡焚道藏僞  
經雜書遣使諸路俾遵行之臣磬等聞老氏  
之爲道也以清淨爲宗無爲爲本謙冲以處  
已損抑以下人非有貪欲好勝之事厥後技

批五

四

分派列徒屬寢盛襲訛成僞誇誕百出清淨  
一變而爲汙穢無爲一變無所不爲如漢之  
文成五利致身求僥幸惚誕幻帛書飯牛之  
詐黃金可成之妄一旦敗露爲武帝所誅三  
張之徒以鬼道惑衆倡亂天下爲皇甫嵩曹

魏所滅宋王仔昔居上清寶籙宮與女冠爲  
姦林靈素自稱神霄紫府僊卿禳大水不驗  
並爲徽宗誅竄而死迨今未年復有麻被先  
生鐵笠李二人以姦謀祕計出入時貴之門  
肆爲淫汙之行感受顯戮歷代以來若此之

類不可勝數追惟禍亂之源姦宄之本率皆  
假符籙以神其教託僞經以警其俗橫肆巧  
誣倡爲詭狀詆毀聖教冠懷內典固已悖老  
氏不爭不盜之禁矣及陷刑辟皆孽子自內  
作復將誰咎哉且夫釋氏之教宏闊勝大非

他教所擬倫歷百千世聖帝明王莫不尊崇  
東冒扶桑西極昧谷冰天桂海山河大地昆  
蟲草木胎卵濕化有情無情百千萬類皆依  
佛蔭生息動止於天地之間故天上天下惟  
佛爲尊超出乎有生之表歸極乎無礙之真

卷五

五

智周三界神妙諸方澤及大千功用不宰其  
大有如此者慈航所至無溺不援法雨所霑  
有生皆潤憫世人之沉淪幻海顛覆迷津展  
轉多生流連累劫將使之脫凡企聖蠲弊崇  
真故神光破沉晦之門大覺指無生之路其

仁有如此何意狂謀輒形媚忌雖積毀銷骨  
衆煦漂山法體圓成初無小玷譬如日人之  
毀日月何傷日月之明井蛙之小河奚損  
河海之大多見其不知量也欽惟聖天子識  
超四諦道慕三乘參無象之真空傳法王之  
心印所以尊崇之禮歸向之誠矯百僞以從  
真黜群邪而歸正有不容不嚴者焉況乎筆  
墨勸姪妖術誤世恣爲欺誑鼓蕩群愚若不  
大爲改革則邪說肆行枉道惑衆其如天下  
後世何凡天下之理有善有惡有正有邪有

真有僞常混然而同處雜然而並行自非累

上聖之資誕生知之性智出庶物明照群情  
則紅紫之亂朱洼淫之變雅是孰得而辯明  
之哉由是言之聖天子匡濟真圖翼扶大法  
之功至矣槩諸聖不可有加矣于以鑿含靈  
之耳目開正途之荒穢使般若之光永乎無  
際劫徧滿恒河沙界延洪聖壽於無疆衍絲  
儲君之福利鼎祚於億萬年之久者庸有既  
乎是可述也臣磬等敬爲之書以貽後人俾  
爲老氏之學者有所警焉

至元二十一年三月 日

皇帝聖旨裏中書省近據長春宮先生王志  
真等告奉福寺淵僧錄使令小和尚馬戒顯  
放火燒訖本官倉庫房舍及盛放米糧三千  
九百餘石并油麵鹽粉公事歸問得當始元

苗五

六

像是甘提點教道馬戒顯交指著淵僧錄使  
令放火王志真使令馮道童將馬戒顯作放  
火賊人捉拿及詐作知宮名字馮道童教唆  
語言告狀人又問得元告糧食不曾燒訖却  
指此爲名於諸人處要訖施利錢物取其各

各招伏六月二十二日有李羅副樞張平章  
張右丞焦尚書耿參政脫因脫里阿里尚書  
等官員欽奉聖旨節該先生與和尚爭奪的  
觀院其間聚著五百箇來先生把著棍棒打  
和尚每來他毎教法裏裏不行胡做呵那裏有  
那般體例前京兆府地面裏王祖師庵頭聚  
著八衆生歹心來如今這先生每又那般胡  
行有這先生每明白招來了上頭爲頭兒底  
殺了兩箇也別箇的割了耳朵鼻子的割了  
也別箇的打了也其餘的交做了軍也這般

斷了也欽此除今將斷訖人數開具下項及  
將提點甘志泉首級於本宮門首竿子上常  
川懸掛合行立石曉諭者正典刑二名教令  
虛指淵僧錄放火犯人提點甘志泉虛拿馬  
戒顯放火賊人知宮王志真割耳朵鼻子一  
名添寫狀情節人提點蔡志祥流於邊遠六  
名聚衆行兇人殷鶴童陳道廣上都先告狀  
人王志玉陳志用寫狀檢人蘭德義虛報燒  
訖糧食人李德楨斷放三人使令王志真告  
狀人提點蔡志希同告狀人副官周道旋賈

志柔

右示諸人通知

至元十七年六月 日立石

聖旨就大都大憫忠寺焚燒遺藏僞經除道  
德經外盡行燒毀遂命拈香舉火謝恩畢拈  
香云佛心天子愍衆生恐墮三塗邪見坑箇  
裏了無偏黨處就中朱紫要分明所以道聖  
鑑無私天機莫測既來頌德敢不酬恩此香  
端爲祝延大元世主當今皇帝聖躬萬歲萬  
歲萬歲伏願金輪與法輪同轉福越三祇

舜日共佛日齊明壽延億劫次舉火云憶昔  
當年明帝時曾憑烈焰辯妍媸大元天子續  
洪範顯正摧邪誰不知嗟乎道教陰靈佛書  
自古至今造詣捏僞盜竊釋經言句圖謀且  
棄題名謗毀如來贓誣先聖醜辭惡語何可  
言哉無藉狂談實難徧舉始自張陵杜撰不  
遷老氏玄言謬作醮書兼集靈寶詐道從空  
而得妄言太上親傳用三張鬼法以誑惑愚  
夫設五運神符而魘姦匹婦以此觀之葛孝  
先徒搜要妙陶弘景謾述浮辭杜光庭白拈

巧偷劫賊無異陸脩靜外好裏弱說客何殊  
若非喫苦不甘爭肯說長道短鮑靜被誅猶  
可王浮招報非輕傳奕姜斌不堪齒錄張生  
焦輩何足言論冠謙之口舌瀾翻損他利己  
林靈素機謀詭詐敗國亡家毀人祖子定遭

一時之辱滅賢良考必招三世之殃因果無

差報應有準嗚呼悲法琳不遇而遭貶嗟道  
世雖再而難爲致令釋子傷心幸得皇天開  
眼恭惟我大元世主聖明皇帝陛下闢邪歸  
正去僞存真恐衆生永墮迷津令萬姓咸登

覺路雪冤已竟感謝皇恩粉骨碎身莫能酬  
報遂以火炬打一圓相云諸仁者只如三洞  
靈丈還能證此火光三昧也無若也於斯會  
得家有北斗經枉教人口不安寧其或未然  
從此灰飛烟滅後任伊到處覓天尊急著眼

看

至元十八年十月二十日

大都報恩禪寺林泉倫吉祥  
長老奉勑下火

虛鐘受扣集

元如意長老奉詔撰

如意答石介怪記

宋石介字守道作怪說誣謗佛老昧他耳目  
卷五

通人不惑但誑愚夫爾乃曰中國聖人之所  
治也四民之常居也衣冠之所聚也而釋氏  
髡髮左衽不士不農爲夷者半中國可怪也  
夫中國道德之所治禮樂之所施五常之所  
被而汗漫不經之教行妖誕幻惑之所滿真  
可怪也又云人君見一日蝕一星殞風雨不

時草木不植則爲天地之怪也彼其滅君臣  
之道絕父子之親棄道德悖禮樂梨五常移  
四民毀中國之衣冠去祖宗之祀祭反不知  
爲怪而更奉焉時人見一狐媚一梟鳴野鵠  
噪草雉入人以爲怪而離父子習夷鬼牛有  
餘年反不爲怪乎余答之曰夫好同惡異人  
之常情不達道之淵源而辯像服之異是知  
石而不知玉爾夫聖人出世利濟尤深根器  
不同設教亦異或明域中之訓則說五乘或  
闡象外之風獨標一極破自然而談因果緣

會而生爲滯有而演真空諸法無性應病設藥故有多方究竟歸宗不存一法而頑夫愚俗浪鼓口舌不達是非妄興辯論而不思所同者道所異者服且孔子所談仁義者佛家所謂慈愛也老子所稱玄妙者佛家所謂空寂也至理不殊於文小變且夫禹入裸國脫去衣冠順其俗也太伯奔吳文身斷髮合其儀也豈爲怪乎變俗以爲會其道故捨君臣華服非悖禮也捐親以爲棄其累故亡妻子之情非慢俗也子陵抗禮於光武愈見尊嚴

逸民不事於王侯高尚其志不明其本謬斥以夷亦猶楚靈詣天天何怒哉子貢譽天何喜哉喜怒不涉而詣譽自辱夫聖人在天不求於世但留典教布神州不言之化自行無爲之風自靡星羅梵刹慕布伽藍設像安人獻華酌水王侯禮重士庶欽崇苟無大功孰肯崇奉且夫自漢至今歷年如此其多也君臣士民如此其衆也天地神明如此其靈也其可欺乎決不誣矣大凡爲人之道力量自知石介但以書生智同芥子將已不達

妄毀聖人同斥鶲之笑鯤鵬似朝菌之輕松  
柏類乎魏文火浣入火愈鮮昆吾之劍切玉  
轉利豈可不覩便責爲謬乎石介之智比孫  
綽而小焉石介之才比昭明而淺矣石介之  
論比王通而難鄰石介之文比柳子而罕及  
石介之位望魏徵而地天石介之學校蘇軾  
而潐海石介之議連陸贊而狗麟石介之詩  
攀杜甫而金鐵上之君子悉皆信佛汝之材  
量孰不勝之而妄意貶駁訛斥大聖佛如日  
月也疇可愈焉昔田巴強辯勝人之口不伏

人之心口毀三皇坐非五帝至今聞之人猶  
切齒況佛六通懸鑑萬古無敵而妬聖嫉賢  
奴唇婢舌恣出其口多見其不知量也六帖  
中載虞世南飯千僧手疏則曰弟子虞世南  
稽首和南十方三寶弟子早年嘗遇重病即  
時運心願託佛力差愈之日奉設千僧齋今  
後五  
謹於道場飯供百僧蔬會以斯願力希世世  
生生常無病惱并及七世父母六道怨親並  
同今願又閱帝紀得世南史論辯周武帝宇  
文邕建德三年晉滅佛道二教之事問者曰

邕廢二教是耶非耶先生曰非也請與論之釋氏之法空有不滯人我兼忘絕生死之根去大患之累榮利無嬰歸於寂滅此象外之談也老子之義則谷神不死玄牝長存微妙同玄騰龍駕鶴此域中之教也至於勝殘去殺止競尚仁並有益於王化無乖越於典謨縱人有虧於法何黜今以僧徒犯律道士違經便謂其教可捐其道可絕何異責檮杌而廢堯怨有苗而黜禹見瓠子之泛濫遽塞河源覩崑嶽之方炎即投金鑚曾不思潤下之

德利濟尤深變腥之用其功甚博井蛙觀海多自不知蜩鳩翔榆心逢鵬翼局於小量暗於大方輪迴長夜之迷自貽沉溺之苦疑惑後人良可痛哉余讀此文乃知世南真奇人也唐太宗嘗稱世南有四絕一曰德行二曰忠信三曰文章四曰筆札夫有異行者必有異能有異能者必有異才觀世南之爲人也事君忠厚與友直諒德高物表學盡天人窮釋老之幽宗達聖人之玄趣字高一代行貫四科登翰苑之瀛洲擅文場之綺席信佛篤

敬尊奉釋僧師襄陽林公爲金蘭之契。豈與韓愈石介倔強求名，坐井觀天。瞽言非聖，不入通人之論。濫廁豎儒之流下愚不移斯言效矣。

聖旨特建釋迦舍利靈通之塔碑文

元如意長老奉勑撰

序五

十二

酬鳳翥迦維龍飛道樹無相見。相頓彰百億之身常名非名普應大千之界。破十軍於座上聲振於九天會諸聖於覺場光流於萬國御三輪而赴感遐邇咸周懸四辯以談詮聖凡總被教闡一十二部門開八萬四千蘊十智之韜鉗知來藏往運六通之神鑑洞古披今綰十號以稱尊跨三界而獨步智窮真際十聖慶獲於朝聞妙極重玄六師甘欣於夕死拔火宅之熱惱引解脫之清涼無勞傳說圓融之妙覺無生無滅絕三際之去來不晦不明離百非之朕跡但以真慈易物昔願今之霖濟四生於六道非假曇和之照蕩七趣

於重昏慈雲蔭有頂之天法雨潤無疆之域  
萬靈翊衛若衆星之拱北辰五印傾心類百  
川之宗東海宣止孕虞育夏甄殷陶周寶乃  
庚五彈壓九流牢籠萬彙縱周公之制禮作樂仲  
尼之讚易修書莊老之談玄軻雄之論道張  
十三華之博物輔嗣之通微郭璞之多聞左慈之  
神化舒向金玉淵海馬班黼黻河漢並驅馳  
於域內言未達於大方宜爲治世之高賢難  
作出塵之教主若非理包象外道越寰中蔽  
群聖而不慚冠百家而拔萃何能總斯衆妙

集此大成者哉逮乎化緣將謝顧命憇憇正  
法付於阿難心印傳於迦葉然後拂衣雙樹  
脫屣金河超二死之樊籠湛三點之圓寂然  
而大慈不惓利物情深粉金剛不壞之身留  
舍利通靈之骨色舍明玉堅侔真金龍王天  
帝各分建於自宮印度間浮競崇興於寶塔  
百年之後敬奉彌隆有阿育輪王統攝贍部  
廣樹靈塔八萬四千從此神跡徧於五天聖  
化覃於四海洎乎漢明夜夢聲教昭宣譯梵  
貝於蘭臺室中繪金容於顯節陵上始波騰

於帝紀終風靡於閭閻由是吳王創起於建  
初隋主盛興於京洛皇都帝岳棊布伽藍沃  
野名山星陳窣覩莫不金盤耀日與仙掌以  
相高寶鐸搖風雜天音而共響層簷偃蹇上  
軼於大清疊拱駢羅傍迴於日月丹楹鴈列  
紺瓦鴛分金龍蚴繆於華梁玉鳳翹翔於繡  
戶忽若龍宮之化出恍疑天上之移來斯皆  
發自於信心非是誘惑而妄作我大元之有  
天下也宗堯祖舜踵禹基湯聖道協於金輪  
明德光於玉曆應乾革命有此武功英聲震

於百蠻威稜加於萬國八荒入貢九服來賓  
纂四聖之丕圖膺千載之期運規億兆之遠  
度恢奕世之宏綱緯武經文制禮作樂建都  
定鼎樹闕營宮以爲非巨麗無以顯尊嚴非  
雄壯無以威天下遂乃開闢闔構元殿興傑

卷五十四

閣架紫宸飾以丹青縟以綺繢金題玉碣上  
下交輝藻悅雕梁縱橫散彩行商容之洪範  
列步武之威儀陳鐘鼓以醺王侯會百僚而  
朝萬國將將濟濟穆穆煌煌真天子之盛禮  
也聽政之暇留意佛門遵祖宗之舊章行寬

仁之溫詔凡是佛子悉獲肅安屢召名僧講論玄奧誠心佛法誦百藏之全文探赜未聞聆三乘之妙義恒慮新都既建宜卜永年以福爲基莫如起塔翼神龍之扶護資社稷之久長即於都城坤隅禁苑之内箕踵漫衍塲壠寬平磨玉礲珉樹斯寶塔初舊都通玄闡比有永安寺殿堂廢盡惟塔存焉觀其名額釋迦舍利之塔考其石刻大遼壽昌二年三月十五日顯密圓通法師道殷之所造也內有舍利戒珠二十粒香泥小塔二千無垢淨

光等陀羅尼經五部水晶爲軸因罹兵火荒涼蕪沒每於淨夜屢放神光近居驚惶疑爲失火即而仰視煙焰却無乃知舍利威靈人始禮敬奉御禿列奏其祥瑞上聞而信之欲增巨麗俾開舊塔發而詳視果有香泥小塔

卷五  
十五

下啓石函中有鐵塔內貯銅餅香水盈滿皎然鮮白色如玉漿舍利堅圓燦若金粟前二龍王跪而守護案上五經宛然無損金珠七月有舍利戒珠二十粒香泥小塔二千無垢淨

時呈顯開乎天意即至元八年三月二十五日帝后閱之愈加崇重即迎其舍利立斯寶塔取軍持之像標駛都之儀妙罄奇功深窮剗剗瓊瑤上鉢礎下成表法設模座鍍禽獸角垂玉杵階布石欄簷掛華鬟身絡珠網珍鐸迎風而韻響金盤向日而光輝亭亭高聳遙映於紫宮岌岌孤危上陵於碧落制度之巧古今罕有爰有國師益鄰真者西番人也聰明神解器局淵深顯教密教無不通融大乘小乘悉皆朗悟勝緣符會德簡帝心每

念皇家信佛建此靈勲益國安民須憑神呪乃依密教排布莊嚴安置如來身語意業上周布條貫有倫第一身所依者先於塔底鋪設石函刻五方佛白玉石像隨立陳列傍安八大鬼王八鬼母輪并其形像用固其下次於須彌石座之上鍍護法諸神主財寶天八大天神八大梵王四王九曜及護十方天龍之像後於餅身安置圖印諸聖圖像即三方諸佛三世調御般若佛母大白金蓋佛尊勝無垢淨光摩利支天金剛摧碎不空臂索

不動尊明王金剛手菩薩文殊觀音甲乙環  
布第二語所依陀羅尼者即佛頂無垢祕密  
寶篋菩提場莊嚴迦囉沙拔尼幢頂嚴華廣  
博樓閣三記句呪般若心經諸法因緣生偈  
如是等百餘大經一一各造百千餘部夾盛

卷五  
十六

鐵錮嚴整鋪累第三意所依事者併身之外  
琢五方佛表法標顯東方單杵南方寶珠西  
方蓮華北方交杵四維間廁四大天母所執  
器物又取西方佛成道處金剛座下黃臘真  
土及此方東西五臺岱嶽名山聖迹處土龍

腦沉箋紫白栴檀蘇合鬱金等香金銀珠璣  
珊瑚七寶共擣香泥造小香塔一千八箇又  
以安息金顏白膠重陸都梁甘松等香和雜  
香泥印造小香塔一十三萬並置塔中宛如  
三寶常住不滅則神功聖德空界難量護國  
佑民於斯有在竊論古今賢詰但載空名校  
其靈蹤杳然無迹董帝喬山之塚謾葬衣冠  
虞舜蒼梧之陵空委韶樂伏犧但存於八卦  
文命唯設於九疇奚聞不朽之真詎見剛真  
之骨豈若牟尼舍利神化無方鍊而愈精鍊

而愈固金堅玉潤歷古恒傳聖帝明王累朝  
欽奉故唐太宗皇帝有讚云

功成積劫印紋端第五不是南山得恐難  
眼觀數重金色潤子攀一片玉光寒  
鍊時百火精神透藏處千年瑩彩完

定果熏修真祕密十七信心莫作等閑看

宋仁宗皇帝讚鳳翔法門寺舍利塔偈曰  
金骨靈牙體可誇毫光一道透雲霞  
歷代君王曾供養累朝天子獻香華  
鐵鎗任打徒勞力百火焚燒色轉加

年年只聞開舍利何曾頂戴老君牙  
宋仁宗皇帝觀禮舍利述偈讚云

三皇捨質皆歸土五帝潛形已化塵  
夫子域中誇是聖老聃世上亦言真  
埋軀祗見空遺塚何處將身示後人

惟有吾師金骨在曾經百鍊色常新  
察此至言可爲龜鑑按龍樹菩薩智度論云  
如來舍利濟物將終變作輪王如意寶珠猶  
與群生爲大利益則真靈不歇福世何窮今  
天子不忘付囑之言恒存外護之意篤信佛

理食息匪移凡殿宇新成必召僧焚講新都  
適就先創斯塔托佛力之加祐冀寶祚之永  
長保大業之隆昌享天祿於遐載懼陵遷而  
谷變恐鴻烈而弗傳爰詔永釋發揮斯道余  
才非琳遠學愧生融勉力摛毫乏曹娥之八

字竭情抒思勞揚雄之五神欽吾皇弘贊之  
心嘉舍利重光之美手舞足蹈謹系銘言金  
藏雲垂玉藻華芳妙哉賢劫千佛表祥聖祖  
能仁第四出世雲起陀天風翔迦衛天擎寶  
蓋龍吐金盆東西獨步上下稱尊道成摩竭  
宮帝闕禮供無休僧會感靈吳邦首建魏后  
真誠永寧大闢欽惟我皇瞻懷正道墻壘佛  
數五門匡弼法寶築此金城營斯玉塔楚璧迴環  
燕珉周帀綿聯珠網交絡華纓光生帝苑壯  
觀王城簷傾遠岫戶映喬林松風颯颯桂魄

沉沉至元統號聖意難量塔中顯出方見其  
祥惟茲神造福我帝居與天同久萬古不渝

辨僞錄卷第五

音釋

伉儷 伉口浪切儷郎計  
於諫切斥 蘭巨限切  
雞小鳥也 地草也 錢徐醉切  
蟀切蟬力九 雜也 錢徐醉切  
胡對切蠅龍貌縛而欲切 繡綺  
來盡也 石柱礎也 息積切 藻梳藻子皓切  
胡對切 石柱礎也 息積切 藻梳藻子皓切  
也 石柱礎也 息積切 藻梳藻子皓切

侏儒爲也 壤壠 壤所雨切壠可亥切  
藻文也 壤壠 壤地高明燥處一確虛紅  
珉次玉端邦切 破芳無雙先侯金口  
雕器厚切也 壤壠 壤地高明燥處一確虛紅  
段時人也 壤壠 壤地高明燥處一確虛紅  
碱石 剔剗 剔剗削舉宜切剗居月  
切碱石 不次王也 壤壠 壤地高明燥處一確虛紅  
砾 破芳無雙先侯金口

卷五

十九

永樂北藏

辨僞錄

第一七六冊